





Digitized by the Internet Archive  
in 2011 with funding from  
Duke University Libraries





TH. BEZÆ  
AD REPETITAS  
IACOBI ANDREÆ  
& Nicolai Selnecceri  
calumnias re-  
sponſio.

AD OMNES ECCLESIAS  
*ſanctum Dei Euangelium in Auguſtana  
confeſſione profeſſas.*

1. Cor. 3. 13. Cuiusque opus manifeſtum fiet.  
Dies enim declarabit.



GENEVÆ,  
APUD EVSTATHIVM VIGNON.  

---

M.D.C.LXXVIII.







OMNIBVS SANCTVM DEI

*Euangelium in Augustana cōfessione amplexis, Theodorus Beza Gratiam & pacem à Domino.*

**I** VREA an iniuria, temeritate an necessitate, ego homunculus grauissimorū criminū, corruptarū videlicet tabularum, blasphemiae atq. adeò impietatis accusatus, augustissimū orbis terrarū cœtū audeā cōpellare, æquū est vt ex re ipsa iudiciū fiat. Res autē sic habet. Ann<sup>9</sup> agitur circiter septimus ex quo Nicolaus Selneccerus subscriptoribus Ienensibus quibusdam Theologis, istam mihi non *sine* apud vllum iudicē, sed *κατὰ σιν* scripsit, nulla quidem à me iniuria prouocatus, sed occasione ex eo Actorum Apostolicorū loco arrepta, in quo hæc Petri verba *ὁν*, videlicet *Χριστὸν, δεῖ τὸν ἑλεγον δεῖξαι*, Latinè multis antè annis sum interpretatus, *Quem oportet celo capi*. Accusationi

A.ij.

autem suæ illud prætexuit, quòd verbū  
CAP I eorum sententiam confirmare vi-  
deatur qui carnem Christi ex quo in cœ-  
los ascendit, affirmant à terris abesse & ad  
extremum vsque diem abfuturam: quū  
ipsi contrā sic velint significari Christum  
accepisse cœlos, id est, in cælestem illam  
gloriam fuisse receptum, quam ipsi po-  
stea multipliciter quidem, &, quanuis re-  
pugnanter, eò tamen concurrētibus sen-  
tentiis interpretantur vt hoc substernant  
realis in terris carnis Christi præsentiae  
fundamētum. Ego non equidē vt meam  
vnus existimationem tuerer (quam absit  
vt Ecclesie paci anteponam) sed vt sen-  
tentiam quam veluti Dei verbo consen-  
taneam & totius antiquitatis testimonio  
comprobatam omnes harum partiū Ec-  
clesiae sequitur, ab omni probro assererē,  
ac præsertim Geneuensem hanc Eccle-  
siam in qua mihi quoque Dominus sa-  
cri ministerij functionem delegauit ab o-  
mni hereseos nota vindicarem, ita Sel-  
neccero respondi vt & veram esse meam  
illā Latinā versionem ex Græcæ linguæ v-  
su & antiquis scriptorib. ostendisse mihi  
videar, & ipsius sententiæ veram exposi-  
tionem ex Dei verbo & orthodoxorum  
pa-



Patrum verbis liquidò demonstrasse. Hæc autem mea responsio sitne asperis an moderatis verbis scripta, quamvis multis conuiciis ab eo essem affectus, penes quemvis iudicium esto qui tum accusationem tum responsum illud meum perlegerit. At illò contrà responso Selnecerus ita est commotus vt accusationem vel damnationem potius veterem non contentus renouasse, alias etiam calumnias, easque grauiissimas adiecerit & conuiciorum plaustris me penè obruerit: quod an verè querar, minimè recusò rursum quin ex ipsius libello meaque, viciissim defensione Illustrissimi ac potentissimi Saxonix ducis Electoris Augusti Celsitudini dicatæ cognoscatur. Putauì enim me nullum magis idoneum iudicē posse aduersario meo ferre quàm illum ipsum religiosissimum Principem ad cuius quodammodo tribunal mihi dies ab illo dicta videbatur. Quid plura? tertiã aduersus me criminationem scripsit Selnecerus, qua nescio an quidquam virulentius in quemquã dici possit, cui tertia est à me Apologia opposita, qua sic studui obiecta mihi crimina repellere, vt quàm multis contrà erroribus scateret dogma

quod tuebatur, ostendere sim conatus:  
Extant autem & illius scripta quibus me  
prior laceffuit, & defensiones etiam meę,  
de quibus causam reddere in omni legi-  
timo Ecclesiarum confessu sum paratus.  
Ecce verò quum istis certaminibus me  
defunctum putarem, & ipse mihi silen-  
tiū indixissem, nouus libellus prodit om-  
nium maledicentissimus, sed Germani-  
cè scriptus: credo vt quid hoc rei esset  
vel nunquam vel serò saltem intelligerē.  
Et ita factū enenit. siquidem biennium &  
amplius præterit antequam de hoc libro  
quicquam audirem, quòd ad nos impor-  
tari libri peregrino idiomate scripti rarò  
consueuerint. Eum ergo tandem nactus  
ab amico quodam meo Gallicè conuer-  
sum (quò etiam tempore quandam Iaco-  
bi Andreae orationem accepi, in qua no-  
minatim quoq. tanquam carnifex aliquis  
proscindor) dissimulari hanc cõtumeliam  
non posse credidi, qua sic priuatim ledor  
vt sit tamen mihi maxima ex parte cum  
harū partium Ecclesiis hæc exprobratio  
communis. Etsi enim illarū non est præ-  
stare si quid à me aliter quàm decuit aut  
dictum est aut scriptum: quum tamen hîc  
præcipuè de doctrine capitibus quæra-  
tur quam ego priuatam nullam vnquam

habui aut ab Heluetica nostra cōfessionis  
dissentaneam, verbo quidem petitur Be-  
za, re ipsa verò Helueticę confessionis Ec-  
clesiæ hereseos & impietatis accusantur.  
Sed his quidē patronos minimè defutu-  
ros arbitror. Ego verò interea neq̃ verita-  
tis neque huius ministerij mei defensio-  
nem deferere bona conscientia potui: &  
quum eo me nomine præcipuè grauari a-  
pud plerosque norim quòd Augustanę  
confessionis hostem esse me isti declami-  
tent, credidi vix vlla ratione melius inno-  
centiam hac in re meam probari pos-  
se quàm si ad eos ipsos de quorum con-  
temptu accusor, vltro prouocarem, nul-  
lam eorum legitimam cognitionem re-  
cusaturus. Agam autem in primis de ac-  
cusatione quam aduersum me Iacobus  
Andreas in illa sua præclara oratione. Li-  
psię habita instituit. Summa accusationis  
est, *Sacramentarium spiritum in Beza Cal-  
uiniano classicum ad opprimendos recte sen-  
tientes doctores canere.* Ad huius crimina-  
tionis probationem fingit me rogatum  
de blasphemia Neuseri & Syluani, quo  
supplicio afficiendum putem blasphemū  
resipiscntem qui errore deceptus se non  
blasphemum esse, sed Deum honorare af-

firmet, his verbis respondisse: *Si verè respiciunt, quod sanè velim, quid illis fuerit accommodatius capitis supplicio, quo cauebitur, ne, ut isti factitare solent qui non ignorantia, sed sola improbitate & obdurata malitia in tantis rebus ultro peccant, mox ad vomitum redeant, vel seipsis deteriores euadant?*

Agnosco mea verba. Sed audite, quæso, cuncti, & spectate ecquæ maior sit cuiquam imposita calumnia. Primùm quod Andreas ait ex me fuisse quæsitum, prorsus commentitium est, imò ne quæri quidem potuit. Nec enim illi duntaxat erroris, aut etiam blasphemix alicuius arguebantur in quam induci quispiam possit ex falsa scripturæ interpretatione, sed quæ aperte Christum negarent, Apostolica scripta ludibrio haberent. quid amplius? quod Mahumetis de Deo sententiam aperte amplecterentur, & de Turcismo in Germaniam inducendo consilia cepissent: quorum scelerum non ultro neque & ingenua confessione, sed scriptis & testibus conuicti tenebantur. De his igitur ab amico priuatim rogatus quid mihi videretur, non hæc tantùm respondi quæ expressit Andreas, sed hæc quoque ab ipso dissimulata: qua in re viderit annon falsi



falsi crimine teneatur. Hęc, inquā, in primis respondi, quę meus accusator in media summorum virorum corona, sua quadam fide reticuit: *Non agitur de eo argumento de quo inter Christianos pastores ambigi potuerit* (Pastores enim erāt isti, nec simpliciter Christiani) *nec de simplici errore, sed de ea blasphemia queritur qua nullā magis horrendam ne Satan quidem ipse possit enomere. Sanē verò, demus istos verē resipiscere* (quod ego quidem non magis credo, nisi alia signa apparuerint, quā boues volare) *quid tum? Ista blasphemia in filium Dei, ista in totum Christianismum coniuratio cum Mahumete, ista tot mendaciis, tot periuriis cumolata improbitas, capitis supplicium non meretur? & quid non putas nobis exprobraturos aduersarios, si eiusmodi reis parcatur?*

Hęc, inquā, ego nō de iis qui per errorem in aliquo peccassent, & qui factum deprecarentur, sed de falsis pastorib. qui à Christo ad Mahumetem apertē defecerant; qui voce & scriptis Christo maledixerāt, qui aduersus Christianitatem omnem coniurarant, qui suam impietatem scriptis quoque prodiderant, qui nonnullos seduxerant, qui deniq. in ipsis vinculis vix tandem conuicti Christo maledi-

xerant, scripsisse me & suasisse fateor. Quod si crudelitatis esse putas, magistratum hortari ut gladium aduersus talis apostasie & generalis blasphemie legitime conuictos stringat, an non tu potius aduersus Deum longè seuerioris legis auctorem sentis? quod si fortè legem illam abolitam esse responderis, præterquam quòd errorem errore cumulaueris (sunt enim ita Iudaicę politię leges abolite, ut quę perpetua & vniuersali æquitatis regula nituntur, valere perpetuò & vbiq; oporteat) an tu is es cui Christianorum Imperatorum leges de istis criminibus latas ut seuas & crudeles abroganti fides habeatur? Obsecro, qui læsæ Illustrissimi Principis dignitatis, parricidij aut alterius eiusmodi capitalissimi criminis reum peractum, si modò resipiscere se dicat, pœnę eximendum censet, num dignus est qui audiatur? Magistratus autem à quibus Anabaptistici nonnulli furores ultore etiam gladio puniuntur, num tu Andrea audebis crudelitatis accusare? & ista scilicet quorū Neuserus & Syluanus conuicti fuerant, illis inferiora censenda sunt, siue Dei ipsius Maiestatem, siue reip. damnū spectes. Age verò spectemus

mus



mus rei ipsius exitum, vt de meo consilio non ex aduersarij mei criminatione sed ex ipsa veritate statuatur. Neuserus dum iudicium ipsius differtur, resipiscientiam, mortis metu, simulans, aufugit ex vinculis, alicuius fortassis opera qui de isto facto non aliter quàm meus hic criminator sentiret. Inde ad Turcā deficit sicut antea constituerat, circumcissus Mahumetismum profitetur, aduersus sanctum Iohannis Euangelium librum etiā scribere incipit, quod ex literis ipsiusmet manu Constantinopoli scriptis cognoui: ac tandem denique, sicuti fama est, vt Iscariotā illum aut, si mauis, Julianū omni ex parte imitaretur, mortem sibi conciscit. Syluanus contrā ad iustum supplicium productus, aut si verè resipuit feliciter est mortuus, aut certè neque suam neque aliorum conditionem deteriore effecit. Quod si cum Neusero similiter actum esset, cui dubium est quin & ipsi & aliis melius fuisset consultum? Hæc igitur mei non sanguinarij vel crudelis, sed recti & sani consilij ratio tum fuit. Quod si quis fortè roget cur sit à Iacobo Andrea illo præsertim loco ac tempore reprehensum, id quoque detegam necesse

est. Moribundus Brentius Ubiquitatis parens testamentū condidit quo inter cætera Germanos Principes aduersum nos quos Sacramentarios vocat, tanquam illorum ceruicibus imminentes ac veluti humani generis hostes incendit. Huic verò sanguinario spiritui quoniam sese fratres nostri Tigurini communem nostræ confessionis defensionem suscipientes, pio moderatōque scripto opposuerunt, malè res hæc habuit Iacobum Andream illius testamenti executōrē. Hinc illa aduersum nos instituta criminatio qua illud ipsum crimen quod inficiari non possunt quin scriptis & editis illius testamenti tabulis redarguantur; in me regeret: ea ipsā nimirum conscientia fretus, qua superioribus annis quum Monbelgardensem Ecclesiam dissipaturus in eum Comitatum venisset, ausus est mensæ benedicens, clarissimis multis viris adstantibus, pro voce Germanica *Bösen* in extrema Dominica oratione Bezæ nomen substituere. Quod utinam intra verba constitisset hæc calumnia, & Iacobus Andreas Ubiquitatis nō iam Apostolus, sed planè Papa, classicum duntaxat cecinisset. Quòd si quid etiam hîc à me  
pec-

peccatum esset, quorsum id ad Calvinū cui nunc iste iam pridem mortuo maledicit, quem viuum præceptorem suum, gratus scilicet tū Caluini tū Philippi discipulus, appellabat? Sed de his fortasse plus satis, vt omnes norint quo iure nobis ille homicidij spiritum tribuat, & quo pudore in tanto hominum cœtu sit ausus Pauli errorem per ignorantiam in Christum peccantis cum illorum teterorum hominum affectata impietate comparare, beatūque illum dicere qui Bezæ gladium effugerit, immemor nimirum illū ipsum Paulum scripsisse, Siquis non amat Christum Iesum, sit anathema, Maranatha.

Accedo ad aliam mihi quoque peculiarē criminationem, cuius auctor est alter in me declamitator Iacobo Andreæ succinens Selneccerus. Scripsi aduersus Monachum pertinacissimum transsubstantiationis ac Missæ defensorem, & omnium qui hodie viuunt maledicentissimum sophistam Claudium de Xaintes Ebroicensem hodie pseudoepiscopum, apologias duas: in quarum posteriore, vbi disputationem de Cœna Domini planè absolui, variis ipsius calumniis ac in

primis rancidæ illi de meis versiculis cri-  
 minationi ante triginta annos à me non-  
 dum Euangelium professio editis, seorsum  
 his verbis inter cetera respondi: *Poeticos*  
*meos lusus quum vt res seriò dictas & scri-*  
*ptas interpretaris, quis te iudex æquus au-*  
*diat? Quanam illa est Candida meis versi-*  
*culis celebrata? vxor mea scilicet, quam illic*  
*superis prægnantem commendo, quum vxor*  
*mea nunquam etiam cõceperit. Si tam nostra*  
*illa reprehendenda sunt, cur ea excudi ac le-*  
*gi, cur manibus teri iubetis, cur publico scri-*  
*pto à me abdicatos fætus aboleri non sinitis?*  
*nempe vt perpetua sit Beza infamia. Hocci-*  
*ne verò vos Theologia docet, vt vni cuiquam*  
*dedecus concilietis, innumeris hominibus*  
*malè consultum velle? Item, Scriptum est,*  
*inquis, pontifex scortum & vile pròstibulum*  
*non ducet. Imo non sic scriptum est. Sed quid*  
*hoc ad me qui nihil minus quàm pontifex*  
*sum, & pontificem nullum esse posse ex Dei*  
*verbo didici, quoniam vnicum aternũque*  
*pontificem habemus, neque vxorem duxi,*  
*cuius pudere possit Ecclesiam, cuius denique*  
*honestiora sunt quæ honestè nominari non*  
*possunt, quàm rostrum istud caninum suc-*  
*monasticum, quo tuum istud fursuraceum*  
*numen exceptum voras? Quid ad hæc no-*  
 ster



ster Selneccerus ? *Quid multis (inquit) verbis opus est ut intelligatur quid de sancta Christi Cæna sentiat Beza ? expendantur ipsius verba de sua Candida, quam suis illis turpibus, lubricis & impuris versibus celebravit, dum adhuc in infidelitate hæreret quibus quidem verbis aduersus Papiſtam quendam scripsit sua Candida posteriora & alia nescio quæ esse pulchriora & honestiora eorum ore qui verbum Dei sequuti dicunt Christi corpus ore à se recipi in Cæna. Væ tibi, impure, fæde, & infamis Diabole, Dominus te castiget.* Hæc ille, de quibus æquos & moderatos omnes homines obtestor ut me æquis animis, sicuti par est, audiât. Primùm quòd iste rancidam illam calumniam de poeticis illis lusibus millies à me refutatam reponit, bona conscientia id facere non pòtest. Aut enim à se nunquam lecta damnat, aut quid ad illam accusationem centies responderim ignorare non potest : accusationem verò ex communium aduersariorum scriptis, præterita iustissima & verissima defensione mea, repetere, an sit eius hominis factum qui se zelo tuendæ veritatis accensum profitetur, penes æquum lectorem iudicium esto. Quos autem ego temere, vi-

uens adhuc penè sub magistri ferula, nec-  
dum veram religionem amplexus, ama-  
torios lusus de Vtopica, ita me benè Deus  
amet, Candida, scripsi, transferre ad vxo-  
rem meam castam pudicámque fœmi-  
nam, quicum triginta iam plus minus an-  
nos, Dei beneficio, in Ecclesia castè & ho-  
nestè vixi, qua tandem fronte ausus es  
Selneccere? Quod si vt tu Calvinianum  
spiritum nescio quem in ore habere con-  
sueuisti, ita mihi in animo esset vicissim  
conuiciari, quo tandem cognomento spi-  
ritum hunc tuum appellarem? Sed hoc à  
me absit. Nolo enim ne in hoc quidem  
te imitari, quem non puduit totidem ver-  
bis, maximà certè cum Lutheri memo-  
riæ infamia, Lutheranismum vocare do-  
ctrinam quam de Cœna Domini traditis.  
Sed vt propius ad rem accedam, quod e-  
go, non in ipsa disputatione de Cœna i-  
psa Domini, sed de falsissima impudicitie  
nota mihi vxoríque meæ inusta differens  
scripsi, qua rursùm cōscientia, totum hoc  
dissimulans, perinde commemorasti ac si  
de Cœnæ dogmate ibi ageretur? & quod  
à me non in vestrúm quenquam dictum  
fuit sed in monachum transsubstantiatio-  
nis, de qua prius disputaram, defensorem  
male-



maledicentissimum, quod non de Cœna Domini sed de Papistica impurissimæ Missæ celebratione, non de sacris symbolis, quæ & ipsa nobiscum agnoscitis, sed de abominando illo panaceo Deo à me scriptum fuisse, superiora, quæ tu idcirco veteratoriè reticuiisti, demonstrant, ad Augustanam confessionem qua fronte, quo pudore, quadenique fide traduxisti? Sed ista tamen fœda sunt, inquires. Esto. Sunt enim, neque à me nisi tu cogeret repeterentur. Sed tamen monasticam illam maledicentiam, & detestabile Missæ idolum fœdus aliis quibuscunque rebus arbitror: & miror, tibi quum hæc scriberes, vltimum saltem Lutheri aduersus Papatum scriptum in mentem non venisse, in quo quàm multa fœdiora etiam inuenies, quibus tamen dignum esse Papam omnes cōfitentur? Quod si quam ego reprehensionem in eo mereor quòd iustissimo dolore percitus ista in Monachum impurum canem scripsi, quantò tu grauius peccas qui vt mihi manifestissima cum calumnia inuidiam creares, ista repetere, Illustrissimum Principem & nobilissimum gynæcæum compellans, minime erubuiisti? At ego, inquires, sum veniã

B.j.

prius precatus. Imo verò cur Albinum illum imitatus culpam deprecari quàm culpa carere maluisti? Sed benè rem cecidisse spero. Nec enim alteram aut Galli Constantiam, aut Arcadij Eudoxiam, sed Placillam & Pulcheriam alteram natum esse te confido.

Obiicitur mihi & illud quòd non nisi certis conditionibus subscribere me posse Augustanæ confessioni dixi. Hoc dixi, fateor, & adhuc dico. Quod si ita loqui idem est atque hæreticum, veritatis hostem, Diabolum denique esse alterum, quid Illustri Argentinenſi reip. & aliis etiam arbitror, fiet, quæ non nisi præscriptis conditionibus in illam cōfessionem consensere? De ipsa verò confessione Augustana quid sentiam anno 1557. coram D. Philippo & clarissimis Germaniæ Theologis, adstante ipſo Iacobo Andrea & nostræ declarationi vnà cum aliis subscribente, tum scripto tum voce declaravi, illis vsque adeo fauentibus, quanuis in capite de Cœna Domini non planè nos in quibusdam illis assentiri ingenuè fateamur, vt Gallicas etiam Ecclesias quarum nomine tum illuc vnà cum D. Farrello sanctæ memoriæ, & Ioanne Budæo,

& Ga-

& Gaspere Carmelo missus eram, dignas existimarint quarum calamitates Illustriss. Principibus commendarent, vt eorum videlicet intercessione Rex Henricus mitigaretur. Eandem legationē quinques obij in Germania, nec vnquam repulsam tuli: imo etiam Francfurti iis comitiis quibus Ferdinandus electus est Imperator, Generoso Domino D. Georgio comite Erbacensi petitionem nostram Illustrissimorum Germaniæ Principum Electorum Augustanæ confessionis legatis explicantē, benignissimum quoque responsum tuli de procuranda communi Synodi conuocatione, in qua infelix ista controuersia pacificè ex Dei verbo componeretur. Nempe viuebat adhuc Philippus quem isti viuum penè dixerim adorabant, nunc verò mortuum conantur ex hominum memoria delere. Guepingæ mecum Andreas familiarissimè de hac ipsa controuersia loquutus, fratrem me postea non semel appellauit, qui tamen quæ esset Caluini & nostrum omnium sententia tum ex viua ipsius voce, tum ex edito consensu cognouerat. Stutcardij D. Brentius mensa quoque sua D. Farellum & me dignatus est. Argentinæ

B.ij.

semel à fratrum collegio pro ipsorum benignitate sum humanissimè exceptus. Quinam igitur tam subitò Sacramentarij, blasphemj, hæretici, impij, veritatis hostes, denique Turcis deteriores euasimus? Nos enim eo tempore nihil dissimulasse neque postea vel tantillum in nostra sententia mutasse, non tantùm Deus ipse testis est, sed etiam tum illorum tum posteriorum temporum scripta demonstrare liquidò possunt. Nempe viuebat adhuc Philippus, quem isti viuum penè dixerim adorabant, nunc verò mortuum conantur ex hominum memoria delere, necdum prodierat illud Ubiquitatis siue Omnipræsentiaë monstrum, cuius caput utcunque emergens ictu tam graui Philippus, edictis illis breuib; in epistolam ad Colossenses commentariis, contuderat, ut illo superstitè non sustinuerit in medium prodire. At illo mortuo statim vibratum est illud *ἑλδος μᾶλλον*, quod nisi quis admittat est scilicet Augustanæ confessionis hostis iuratus. Atqui ne voculam quidem ea de re, neque de Ascensionis in disparitionem & inuisibilitatem conuersione, neque de Maiestatica carnis Christi non modò in pane sed etiam  
in om,



in omnibus rebus præsentia, neque de ca-  
ptis à Christo cœlis, neque de carnis &  
Verbi exæquatione, neq. de cœlo quod  
vbique sit, neque de carnis Christi sessio-  
ne ad dexteram patris ab ipso conceptio-  
nis momento, in Augustana confessione  
vel Apologia, imo ne in Catechismo qui-  
dē Lutheri comperio. Aut igitur pro  
Augustana confessione substituite aper-  
tè Lutheri & Brentij nomen, aut fatea-  
mini vos non hoc petere vt illi confessio-  
ni, sed vt Lutheri vel potius Brentij scri-  
ptis simpliciter subscribamus, aut potius,  
si vultis dicere quod res est, agnoscite  
vos & confessionis & Lutheri nominib.  
(quod suo tempore Dominus patefaciet)  
intemperantissimè abuti. Symbola illa ve-  
terā agnouit fateor, Ecclesia, & subscri-  
ptionibus Episcoporum approbavit, sed  
œcumenicis synodis, præeunte causæ co-  
gnitione, non pauculorum, & quidem  
*αὐτάρκτων* hominum, sed generali totius  
cœtus expresso cōsensu approbata. Atqui  
de Augustana confessione, cuius auctori-  
tati vt non omnia quæ vultis tribuam,  
propterea tamen nihil detraho, nihil ta-  
le dici potest: quæ si omnia fidei nostræ  
capita complectitur, cur tot illi articulos

tot demum post annis adiecistis, in quibus si quis statim vobis non assentiatur eum protinus in Diabolum transformatis? Imo si tam est perspicue ac dilucide scripta, vt qui simpliciter & absque omni exceptione illi non subscripserit, propterea pro veritatis hoste sit habendus, quorsum Smalcaldici adiecti articuli, quorsum alia Neuburgi, alia etiam Stukardiae à Brentio Illustrissimi & humanissimi Principis ac Ducis Vvittembergensis nomine perscripta est quæ Tridentino conciliabulo offerretur? & qua tandem fronte audetis postulare vt nullis conditionibus subscribamus ei scripto, de cuius interpretatione vsque adeò inter vos non cōstat, vt te Andrea, iubeat tuus Heshusius resipiscere, Vigandus olim Heshusio succenturiatus illum ex Prusiae episcopatu nuper pro blasphemio deiecerit: te Illyricus ille tuæ Vbiquitatis accerrimus assertor, tu vicissim Illyricum ferre non potueris: vix denique vllum sit persit illius confessionis caput de cuius explicatione inter vos conueniat, neque hodie vlli sint in orbe terrarum, qui mutuis concertationibus Christianam religionem æquè exponant omnium mortaliū



lium ludibriis? Hæc sunt monstra αὐτοψα-  
τα, Andrea, quæ iampridem fateor me  
scripsisse mirari me quânam possit Ger-  
mania tamdiu perferre, cui quotidie &  
singulis momentis Deum precor Opt.  
Max. ut oculos aperiat. Certè prius hoc à  
vobis iure saltem peto ut priusquam hæ-  
reticus idcirco censear quòd Augustanæ  
confessioni simpliciter non subscribam,  
inter vos de ipsius interpretatione con-  
ueniat. Ad D. autem Lutherum quod at-  
tinet, quis eius auctoritatem magis, quàm  
vos imminuit? Habeatur sanè qualis fuit,  
excellens videlicet organum Dei in eius  
veritate nostris temporibus aduersus Pa-  
pisticam tyrannidem propugnanda. At  
eius sanè scripta in singulis probare ne si  
velitis quidem satis prudenter possitis,  
quod cum nulla tanti viri contumelia sit  
dictum. Contigit enim ei quod illi cæco,  
cui Dominus non vno momento, sed sen-  
sim oculos aperuit. Id. verò ne vos qui-  
dem negaturos opinor, quoniam summe  
fuerit impudentiæ, neque hoc quisquam  
melius quàm ipsemet aliquot locis agno-  
uit. Delectu igitur magno hîc opus est,  
cuius norma quum sit vnicum αὐτόπιστον  
Dei verbum, & huius rursus falsæ inter-

pretationes à veris ex fidei analogia discernantur, cur obsecro, pati non potestis à Luthero ad Dei verbum, ab illius in aliquibus interpretatione ad fidei analogiam prouocari? Quid multa? vestram illam calamistratam Vbiq̃uitatem, cui tam multa quotidie planè ἀλλόκοτα affingitis, quibus tandem ex Lutheri scriptis desumpsistis? Deniq. si ita habet, agedum ipsimet Luthero in hac ipsa controuersia credamus. Fatetur igitur ingenuè sese in hoc argumento sæpe, sæpe, inquam, naturæ tribuisse, quod est personæ & contrà. Hoc inquam, ille ingenuè professus est, vnde omnes istos à vobis errores fuisse desumptos nemo dubitabit qui vel leuissimè legerit veterum Orthodoxorum aduersus Nestorium & Eutychem certamina. At contrà, si vobis creditur, nusquam verius loquutus fuerit Lutherus quam vbi se non semel, sed sæpius errasse professus est. Exemplū huius rei admirabile proferam quò admoncantur homines, vt quò magis excellunt eò circumspectius loquātur & scribāt. Eo ipso loco vbi suū illū maximi momenti errorē agnoscit concione videlicet de Natali in magnis post

Postillis,ibi,inquam, imprudens in eo ipso grauissimè peccat. Vocat enim eos imperitos qui ex Christo hominem omnipotentem & omniscientem faciunt, quò quidem dicto vestrum dogma ex professo damnauit. Et tamen nisi Christus est homo omnipotens, omniscius, omnipræsens certè non est homo Deus. Itaque imperiti non sunt quos Lutherus arguit, sed eorum est hic error qui quoniam concretum ab abstracto, sive κατ'ἄλλο ab eo quod καθ'αὐτὸ dicitur, distinguere nesciūt, naturam cum persona cōfundunt. Est enim certè Christus omnipotēs quia Deus, at non est humanitas omnipotens, quod ipsi quoque scholastici rectè docēt, quia humanitas non est Deitas. Illud autem negare Nestorianum est, istud affirmare Eutychianum, vtrunq. dicere Brenitianum. Ergo si Luthero creditis, cur illi errorem confitenti & exemplo suo confirmanti non creditis? Imò quod Lutherus vbique & quidem non immeritò contendit ex institutionis verbis petendam esse veram de carnis Christi præsentia diiudicationem, annon funditus euertitis, quum ad hypostaticam vnionem recurri

tis? Nam si hæc facit vt sit vbique caro Christi, sicuti est vbique eius diuinitas, quorū nobis opus illa ad cælum vestrū Vtopicum ascensione? quorū sessione ad dextram patris, nisi fortasse idem valet hoc vtrumque, atque superiora illa, Conceptus ex Spiritu sancto, natus ex Maria virgine? quorū denique ad probādam realem carnis Christi in Cœna omnipræsentiam, de huius enuntiationis, Hoc est corpus meum, interpretatione quæritur, si iam antea propter illam hypostaticam vnionem reipsa præsens erat, in, sub, vel cum pane, vt & in cæteris quibuscunque rebus? Sed huic malo scilicet remediū optimum comperistis pauculi vos quidam Theologi, in quorum dictata quicumque præscriptis verbis non iurarit, Christianus & orthodoxus haberi nō possit. Hoc ego quum dico absit vt Illustrissimi Electoris consilium reprehendam, quod ego summa potius laude dignum esse absque adulatione vlla profiteor. Quid enim Christianos principes ac præsertim Illustrissimum illum Saxonie Ducem Electorem, è cuius potissimum ditione nostra memoria rursus Euangelium orbi terrarum illuxit, quid illos inquam, potius curare oportuit



tuit, quàm vt tandem aliquando decisisset ex Dei verbo tot controuersis, quas Satan inter eos excitauit quos potius maxime concordēs esse decuit, pax aliqua firma constitueretur? Consilium igitur illud vt dixi, minimè reprehensum volo, sed vos consiliarios summa vituperatione dignos esse clamito, qui infeliciū illorum hominum Diotrephes, Eusebii Nicomediensis, Dioscori, Vrsatii, Valentis, memoriā plane renouastis. Nam te Selneccere, te Iacobe Andrea, etiamsi vobis hoc iudicium defereretur, quid potius facere oportuit, quàm vt vos iudices in causa vestra sedere posse negaretis? Sed quid si comperiāmini non illud modò nō defugisse, sed etiam & cupidissimè appetuisse, & corruptissimè exercuisse? Tu verò, Muscule qui iampridem audacissimè foedissimos illos Eutychetis errores conuictus es defendere, tu inquam, Islebii adstipulator, nō erubuiști quæso, quum aliquam rerum istarum cognitionem tibi arrogares? Duorum aliorum quos vobiscum aduocatos fuisse intelligo, eruditio satis est Ecclesiis perspecta, quibuscum etiam his de rebus libenter, si licebit, contulero. Sed etiamsi essetis legitimi controuersiarum istarum

cognitores, quæ hæc vestra agendi ratio est, & quàm in omnibus iudiciis inusitata? Nam vt prohibere quidem nemo vos potuerit quin qua de re sententiam aut consilium rogati estis; diceretis, illud tamen est intolerabile, non modò tot Ecclesiis, tot populis, tot gentibus si non directè, at certè obliquè, fidei normam præscribere, verumetiam qua ratione ab imperitis obtineri, à repugnātibus extorqueri subscriptiones possint interroganti de Synodo Illustrissimo Principi suggerere, & quod in Ecclesia Christiana palam liberis Synodorum suffragiis semper est factum donec Papistica tyrānis obtineret, id per cuniculos facilioris cōcordiæ prætextu moliri. Quid amplius? etiam tot amplissimorum regnorum, tot liberarum ciuitatum Ecclesias, non auditas, imò ne citatas quidem, sed prorsus necopinantes, hæreseos, blasphemix, impietatis denique dammare & ad eam probandam Illustrissimos Principes nihil minus cogitantes vanissimis suasionibus pellicere? Sed benè rursus res cecidit, sensuris tandem, vt spero, vobis q̃ non in Constantios aut Valentes, sed in Constantinos & Martianos potius alteros incideritis.



Superfunt alia, quæ etsi multò sunt grauiora, minus me tamen commouent, quoniam Dei beneficio, faciliè sic redargui possunt, vt ne speciem quidem veri apud æquos iudices habitura videantur. Sunt autem illa non aduersum me priuatim, sed aduersus eos omnes instituta quos isti esse omnium sceleratissimos hominibus nostræ doctrinæ ignaris ac præsertim mulieribus persuaferunt: itaque sic à me quasi communia annotabuntur.

Hæc igitur iste mihi, vel potius omnib. tribuit quos Sacramentarios & Calvinistas cognominat, ausus ipse primus Lutheranismum vocare doctrinam quã ipse sectatur.

I *Blasphemum ac Thyesten, Capernaitam ac Satanae ministrum eum esse qui Christum dicat præsentem esse in terris corpore & sanguine suo ubi & quando Cæna celebratur.*

Præsentiam veri illius corporis & veri sanguinis, totiùsque adeo humanæ naturæ Christi in Cæna absit vt vnquam simus inficiati, sed ita explicatam ex Dei verbo vt neque veritati carnis assumptæ, neque ascensionis, neque commorationi Christi in cælis, neque futuro eius ad-

uentui repugnet. Præsentem igitur Christum totum esse fateamur quatenus hypostaticè in verbo omnipræsente inseparabiliter subsistit caro, quæ præsentia est vniuersalis, & concreto conuenit non abstracto. Nec enim quicquid toti Christo, quatenus vnum est ὁπιστάμενον cōuenit, existimandum est etiam Toti Christi, id est vtrique Christi naturæ distinctè considerata, conuenire. quod in communi quoque sermone vsurpari consuevit. Bezam enim hæc scribere verè dixeris quatenus vt totum quiddam consideratur: at singulis Bezæ partibus id tribui citra dementiam non potest, quum neque animus ipse propriè scribere dicatur, neq. scriptio sit capitis aut alterius partis corporis quàm manus actio. Hoc discrimen antagonistæ nostri non animaduertentes vel personæ quod est naturæ, vel naturæ quod est personæ tribuāt oportet. Alterum præsentia genus est quo fit vt hæc caro sit vni menti & fidei præsens, nō tamen corpori, nec propterea tamen vanè & imaginariè, quum longè sit verius ac certius quod in Verbo Dei & sacramentis intuetur fidei oculus siue propinquum siue longinquū quod ad rei sitū attinet, quàm quicquid

cor

corporis sensibus externis percipitur. Est-  
que hæc præsentia tum Verbo simplici tū  
sacramentis communis. His igitur duo-  
bus modis in Cœna præsentia carnis Chri-  
sti admittimus, quam si ad situm referas  
(vbicunq. autem est verum corpus quā-  
tumuis glorificatum, quod ad situm atti-  
net in loco sit oportet) didicimus cum  
Augustino dicere, sublati spatiiis tolli  
corpora. *Item*, donec finiatur seculum  
fursum fore Dominum secundum veri  
corporis modum. *Item*, Omne corpus ip-  
siusque adeò glorificati Christi, necessa-  
riò locum occupare, quem sic impleat vt  
in nulla eius parte sit totum. *Item*, Chri-  
stum vbique esse tanquam Deum, & in  
loco esse propter veri corporis modum,  
cui immortalitatem dedit, naturam non  
abstulit. *Item*, Credendum esse Christi cor-  
pus ita esse in cœlo vt erat in terra quum  
ascenderet in cœlum. *Item* Cauendum ef-  
se ne sic adstruamus diuinitatem homi-  
nis vt veritatem corporis auferamus.  
*Item* quia secundum carnem ascendit in  
cœlum, non esse hîc, & ibi non autem hîc  
sedere ad dextram maiestatis. *Cum Cyrillo*  
Nullum ambigere Christum præsentia  
carnis abesse. *Item*, corpore absentem se-

dere & interpellare apud patrem qui Spiritu habitat in sanctis. *Item*, quum Spiritum immitteret Apostolis, non potuisse cum eis carne conuersari, vt qui ad patrem ascendisset. *Cum Vigilio*, quando fuit in terra, non fuisse in cælo: & nunc quia in cælo est, non esse vtrique in terra, quum è cælo venturus speretur. *Item*, Christum sicut non capitur loco per naturam diuinitatis, ita contineri & circumscribi loco secundum naturam carnis, quæ sit fides Catholica quam Apostoli tradiderunt, Martyres roborauerunt, & fideles nunc vsque custodiunt. *Cum Ambrosio*, eandem esse veritatem corporis in Christo quæ in nobis. *Cum Fulgentio*, Christum esse hominem localem & secundum humanam substantiam abfuisse cælo quum esset in terra, & deseruisse terram quum ascenderet in cælum. *Item*, ascendisse in cælum quia verus & localis homo, sicut adest fidelibus quia immensus & verus est Deus. *Item*, Apostoli verbis demonstrari Christi corpus localiter cælis contineri. *Item*, Christum secundum totum hominem quem accepit, terram localiter deseruisse, in cælum ascendisse, & in dextris Dei sedere.

2 Beza negat manducari Christi carnem

*nem & bibi eius sanguinem in Cæna, imò  
cum esum vocat Capernaiticum, & Cyclopicas  
ac Thyesteas epulas,*

Qua ratione & in quem finem præsens præ-  
est corpus, ea quoque verè præbetur à  
Christo promittente, & verè idem à cre-  
dentibus percipitur: præsens autem est  
ob eas quas diximus causas, non corpori  
sed menti, ac proinde non ut sui substan-  
tia nostræ commisceatur, sed ut ex eo  
mens nostra tum sibi tum corpori vitam  
illam spiritualem & eternam hauriat. Ita-  
que non corpore sed mente, nec mente  
quavis, sed mente quæ vera fide sit prædi-  
ta percipitur. Quoniam autem nobis  
in Cœna præbetur adiunctis ex Christi  
mandato signis quæ corporis ore man-  
ducantur & bibuntur: idcirco dici-  
tur corpus mente quoque manducari,  
& sanguis bibi, verbis videlicet quibus  
sacramentalis & externa corporis ac-  
tio declaratur, ad interiorem mentis &  
fidei significandam actionem translatis,  
ne de sacramentorum veritate dubite-  
mus. Hinc efficitur omnem illam oralem  
manducationem & potum, & realem il-  
lam in, sub, vel cum pane corporis etiam  
respectu præsentiam, meritò à nobis ut a-

P  
blent not d'heur he  
cours entiers ad  
Salem march  
non, q'au st at  
credunt et mo  
dependunt et pr  
chant Ubiquit  
Flamina coher



nalogiæ fidei ex diametro repugnantem,  
 & his myſteriis minimè accommodatam  
 penitus repudiari, nec tamen à nobis verã  
 veri corporis & veri ſanguinis *κοινωνίαν*  
 villo modo negari: non eſſe denique inter  
 nos quod ad Cœnam Domini attinet, ne  
 que de ſymbolis, neque de re ſacramen-  
 torum, neque de eorundem veritate &  
 efficacia, neque denique de ipſa corporis  
 & ſanguinis communicatione, ſed de ſa-  
 cramentalis duntaxat præſentiæ, & corpo-  
 ris ac ſanguinis perceptionis modo con-  
 trouerſiam, quem vtrunque modum vos  
 corporalem quoque & corporis eſſe vul-  
 tis, nos autem ſpiritualem ac ſpiritus & fidei  
 dei duntaxat reſpectu ſtatuiſmus. Videãt  
 igitur qui contentiones iſtas ſouent, quo  
 iure in nos quaſi Chriſtianæ fidei funda-  
 menta, & Ieſu Chriſti domini noſtri teſta-  
 mētum euertentes, quaſi denique Tur-  
 cas & Mahumetanos alteros tanto impe-  
 tu ferantur: nec viciffim ſibi Capernaiti-  
 cum & Cyclopicum eſum obiici miren-  
 tur. Et hæc quidem de Cœna Domini.  
 Nã quod attinet ad Vbiquitatis dogma,  
 nos illud vt planè impium ſine exceptio-  
 ne deteſtamur.

3 *Beza dicit inſtitutionis Cœnæ verba à*  
*Chriſto*

*Christo prolata non aliter esse interpretanda, nec aliter esse vera, quàm ferat sacramentorum natura, id est, significatiue. •*

Dicit sanè & quærit an satis sani sit hominis negare quæ de sacramentis dicuntur esse secundum naturam ipsam sacramentorum intelligenda. Sed calumniosè prætermittis Selneccere, quod reticendū non fuit, Bezam videlicet docere sacramentali significatione sic res Symbolis externis significatas significari, vt etiam verè ac re ipsa menti ac fidei exhibeantur & spiritualiter applicentur.

4 *Docet Beza quòd Christus non modò noluerit, sed etiam non potuerit promittere & dicere se velle nobis in Cœna corpus suum manducandū & sanguinem suum bibendum præbere.*

Imò nunquam negauit Beza corpus & sanguinem Christi in Cœna verè percipi, sed ore siue actione corporis externa percipi negauit & negat. Rursus ergo calumniaris. Hoc autem agnoscit Beza se docuisse & docere, Christum nec voluisse nec potuisse velle sese ore corporis comedendum in Cœna præbere: at non simpliciter sed ex variis hypothésibus sic docet, quas tu rursus versutia aut igno-

rantia præteriisti . Sunt autem istæ huius impossibilitatis hypothefes: Vna, quod verum corpus veri & organici corporis partibus ac spatiis finitum ac circūscriptum assumere voluit, cui naturam hanc gloria non ademit, vt ipsemet testatus est. Altera quod à seipso dissidere non possit. Tertia quod mentiri nō possit . Quarta quod flagitium præcipere non possit: flagitium autem sit, Augustino teste & hac ipsa de re disserente, hominis carne vesci, & sanguine potari, vnde colligit figuratè hanc esse mādicationē intelligendam . Itaque quum & in diuina & in humana philosophia certissime sint istæ hypothefes, sitq. realis illa vnius & eiusdem Christi corporis in terris innumeris locis & in cælis simul eodémque instanti præsentia, & oralis illa perceptio illis hypothefibus ex diametro repugnās, falsam & commentitiam illam esse rectè doceo: neque tamen propterea omnipotentem esse Filiū Dei nego, quoniam dissidere à seipso siue contradictoria velle, ac proinde mentiri velle, non est potentie sed infirmitatis.

5 *Docet Beza corpus & sanguinē Christi longius abesse à nobis quàm catū à terra.*

*Docet Beza ex Christi verbis, ipsum quoad*

quoad naturā humanam verē abiisse suprà omnes cœlos, id est relicta terra vbi tum erat non in cœlis, profectum esse in cœlos vbi nunc sit, non in terris, & verē, vt testantur Angeli, inde vltimo die venturum. *Ex Petro*, oportere illum cœlo contineri ad vltimum, vsque diem. *ex Paulo*, peregrinari nos à Domino in terris, & oportere nos dissolui vt cum Christo simus. *ex Luca*, visum esse Christum ipsum in cœlis Stephano non in terris. *Ex Ignatio*, Corpus Christi hæc omnia habere nobiscum communia, quę propria sunt humani corporis, id est quibus ablatis corpus humanum esse desineret. *Ex Didymo*, vniuersa quę facta sunt, habere sine vlla exceptione, circumscriptionem substantiam. *Ex Apollinari*, Christi copulationem cum corpore non mutare corporis naturam. *Ex Seueriano*, Christum versari in loco secundū corpus, extrā locum positum secundum Verbum. *Ex Origene*, Non esse humanitatem nobiscum omnibus diebus vsque ad consummationem seculi, nec congregatis vbique fidelibus: sed virtutem diuinā quę est in Christo Iesu. *Ex Athanasio*, Eius esse ire & venire qui aliquibus locorum terminis circumscribatur, & eum in quo

erat locum deferere, vt ad alium vbi non erat, veniat. *Ex Theodoro*, Corpus quidē Christi eſſe à corruptione & interitu alienum, impaſſibile, immortale, diuina gloria glorificatum & ſeſſione ad dextram Patris dignatum, & à celeſtibus adorari poteſtatibus (nempe vt Dei corpus) corpus tamē eſſe, & habere eam quam prius habuit formā, figuram, & circunſcriptionē. *Ex Nazianzeno*, Chriſtū habitare in cordibus noſtris non ſecundum naturam aſpectabilem, ſed ſecundum naturam inuiſibilem, & circunſcriptum corpore & in circunſcriptum ſpiritu, id eſt, deitate, qui loco contineatur, & loco non contineatur. *Ex Tertulliano*, Vnius Dei naturę eſſe vt a deſſe omni loco poſſit. Quę ex Cyrillo, Vigilio, Ambroſio, Auguſtino paulò antè citauimus, eodem ſpectant, & eorum ſententiam qui corpus Chriſti aliter vſquam realiter quàm ſecundum naturalē circunſcriptionem a deſſe docent, diſertè refellunt.

6 *Docet Beza Chriſtum nihil in Cæna dicere contrarium intellectui humano: & verba Chriſti intelligenda neceſſariò ſecundum naturalem rationem.*

Hęc verò cuiuſmodi ſit calumnia ex  
hoc



hoc saltem scripto diiudicetur. Egone verò sapientiam Dei subiecerim hominum stultitię? Sed res sic habet. De præsentia reali siue situ corporis Christi, dico ex eius veritate, & rursum de ipsius veritate ex nature verè corporeę & humane idiomatib<sup>9</sup> essentialibus statuendum, quibus videlicet abolitis corpus desinat esse corpus, inter quę idiomata pono quātitatē, corporibus vsq. adeò propriam vt rectē dixerit Augustinus de ipso Christi corpore glorificando disserēs, Tolle spatia corporib.& corpora non erunt. Sic etiā Christus ipse veritatē corporis sui post resurrectionem probat; quū, inquit, palpate & videte. Itē Ioānes, 1. Ioan. 1, 1. Quod vidimus, q̄ spectauimus, q̄ cōtrectauimus, &c. Nec alia euidētiore ratione patres Marcionis dogma cōfutant, & Theodoretus Eutychetis hærēsin, absorptam à Deitate humanitatem, saltē post ascensionē somniantis. At nostri antagoniste quātò apertius etiam quā ille à vero aberrant? Nā ille vidit nō posse nisi sublata circūscriptiōe cōstitui corporis Christi infinitatē: at isti simul quātum & non quātū, locale & illocale, pręsens & absens esse volunt. Vt ad rē redeā, d e naturalis corporis Christi veritate ex

C. iiii.

naturę legibus iudicandũ dico, nec pro-  
 pterea gloriã ipsius *ἐσθυσιν* tollo, qua  
 fit vt sola deitate excepta, sit hoc corpus  
 supra res omnes creatas euectũ: sed *ἀντι-  
 φῶσιν*, id est, quib. positis corpus nõ esset;  
 penitus reiicio. De sacramentali verò con-  
 iunctione statuo cum Augusti no de ipsis  
 sacramentis nostris loquente, honorẽ ha-  
 bere posset religiosa, stuporẽ autẽ vt mi-  
 ra, nequaquã: quod tamẽ falsissimũ esset si  
 realis in, sub', vel cũ pane in terris preſen-  
 tia corporis statueretur, & ad hoc statuẽ-  
 dum dogma, rectẽ ad Dei omnipotentia  
 deueniretur. Sin verò de Sacramenti veri-  
 tate, & efficacitate, siue de corporis Chri-  
 sti cõmunicatione quæritur, tũ demum  
 verẽ magnũ atq. adeò incomprehensibile  
 huius mysteriũ esse dico, cõtrã quã in  
 sentire videntur qui orale manducatio-  
 nem ponunt. Quid enim est in orali pre-  
 sentis realiter carnis manducatione admi-  
 randum, & quod ordinem cõmuniẽ  
 transgrediatur?

7 *Beza negat veritatẽ verborum Christi  
 in Cænâ.*

Imò si impietatis reus est, quisquis nõ  
 seruat τὸ πρῶτον in singulis sacrarum litera-  
 rũ verbis, cur tot passim tropi in earũ ex-  
 plicatione annotatur cur? nõ apertẽ trãsi-

inūs in Anthropomorphitarū castra? Ego Selneccere, Dei beneficio, tā veracē esse Christum scio quā Deum esse, neq. me hac luce dignum censerem si secus putarem. Tu verò vide potius ne dum contradictoria simul vera esse vis sine tropo, sic veritatem adstruas, vt mendacium altera ex parte tuearis. In summa, mi homo, longè aliud est, quæ vera quæ falsa sit verborum Christi interpretatio ex fidei analogia disceptare, quā veritatem verbis Christi, id est, ipsi veritati, detrudere.

8 *Beza sic interpretatur ascendisse Christum in cælos, vt Cæli appellatione cælestes illas regiones intelligat in quibus, sicut in continente contentum contineatur: & ex ascensione colligat Christi carnem nunc à terris abesse.*

Omniño ita est. Tu verò quid Cælorum nomine intelligis? *Non certum locum, inquis, ex aliqua materia extructum, sed gloriam, Maiestatem, gubernationem, & potentiam diuinam.* Patere igitur, si pōtes, vt nos qui tibi hac in re bestia sumus, in hoc vestrum arcanum inquiramus, quamquā id iam olim fecimus. Prouocamus ergo in primis ad ipsam historiam ascensionis Domini, deinde ad totius Ecclesiæ perpe-

tuum tantúmque consensum vt huic articulum ita vt verba sonant, de naturali videlicet & locali in summas illas regiones ascensu, intelligēdum esse nunquam sit magis dubitatum, quàm quæsitum an aliquis sit Deus: ac tertio demum loco te tuæque alioqui factionis homines appello. Ad ipsam historiam quod attinet si quæras ex Luca quid sit Ascendere, respondet, Sursum ferri. quânam? per medias nubes. quónam? cælos illos supremos versus, nisi putas Apostolos intuitos esse nō illos cælos quatenus sunt aspectabiles, sed quasi de isto allegorico vel potius Vtopico vestro certiores factos se ad illā quā vocatis omnimaiestatem non tantum oculis inuisibilem, sed intellectui etiam nostro imperscrutabilē cōuertisse. Certè illuc ascendit vbi apertis cælis illum vidit Stephanus, vnde illum tonantem audiuit Saulus, & vnde venturus creditur. Venturum autem cælitus ille saltē Apostoli locus ostendit, in quo dicimur ituri ipsi obuiam, *ἐν νεφέλαις, εἰς αἶρα*. Quod attinet ad Patrū testimonia, quoties iam sunt à nobis prolata, quibus ne γρῦ quidem respondistis? Repetam tamen nonnulla, ex quibus tria nobis rursum

sum constabunt, nempe de locali ex terris discessu, & locali in cœlestes illas ipsas summas regiones ascensu, historiam esse intelligendam: & corpus Christi sic nunc illic esse suis veri corporis dimensionibus finitum, circumscriptū, & vt in loco continente verè contentum, ac demum tantum abesse vt vestro exemplo vetustas ex articulo ascensionis Domini præsentiam corporis illius simul in terris & in cœlis collegerit, vt contra à terris idcirco abesse dicat quoniam in cœlos abiit, nō prius inde quàm vltimo illo die rediturus. Sic igitur Theodoretus Eutycheten refutās. *Corpus Domini diuina quidem gloria glorificatum, & sessione ad dextram patris dignatum est: corpus tamen est, & habet quā prius habuit formā, figuram, & circumscriptionē.* Item Nazianzenus, *Docemus eundem Christum circumscriptum corpore ( id est, quatenus homo est) incircumscriptum spiritu ( id est, quatenus Deus est) qui loco continetur (repete, corpore) & loco non continetur (repete, spiritu.)* Et Cyrillus. *Nullus ambigit quum ad cœlos ascenderit, quauis virtute spiritus semper adsit, præsentia carnis ipsum abesse.* Imo Cyrille, exorti nunc sunt qui idcirco præsentia carnis ipsum



adesse contendant quoniam in cœlos ascendit, id est, omnem Maiestatem intra se recepit ut omnia in ipsius reali substantia impleret. & qui tuū istud *præsentia carnis*, ad infirmitatis & mortalitatis Christi tempus, non ad ipsam carnis substantiā referant, cui opponatur *virtus Spiritus*, id est, ut ipsi volunt, non deitas ipsa sed eius omnes proprietates in carnē Christi effusæ. Quid tu ad hæc, Cyrille? *Si diuina ipsa natura partitionem reciperet, intelligeretur & corpus. Si autem hoc, & in loco omnino & magnitudine, & quantitate, & si caderet in eam quantitas, non effugeret circumscriptionem.* Demus igitur tibi diuina omni energia exornatam Christi carnem: quia tamen caro est, corpus est, & si corpus, ergo circumscriptum: & si circumscriptum, ergo in loco: si in loco, ergo ut contentum in cōtinente. Viden' ergo quàm hæc sint fallæ & ἀόυστα? Et Vigilii, quæ quoties carpetis, toties Eutychianos vos fateamini necesse est: *Quando in terra fuit non erat utique in cælo, & nunc quia in cælo est, non utiq. in terra, & intantum non est, ut secundū ipsam carnē expectemus è cælo vēturum, quem secundum verbum nobiscum esse dicimus in terra. Est Christus nobiscum, &*  
*non*

*non nobiscum, quia quos reliquit & à quibus discessit humanitate sua, non eos deseruit diuinitate sua. Item, Aut Verbum cum carne sua loco continetur, aut Caro cum Verbo ubique est, sed quia Verbum ubique, caro autem ubique non est, apparet unum eundemque Christum utriusque esse naturæ, & esse quidem ubique secundum naturam diuinitatis suæ, & loco contineri secundum naturam humanitatis suæ. Circumscribitur loco secundum naturam carnis suæ, & non capitur loco secundum naturam diuinitatis suæ. Hac est fides & confessio Apostolica quam Apostoli tradiderunt; Martyres roborauerunt, & fideles nunc usque custodiunt. Audis verba contineri loco & capi loco, Selneccere, ex quibus intelligunt omnes à qua parte stet fides Apostolica. Et Augustinus. Spatia locorum tolle corporibus & nusquam erunt: & quia nusquam, ergo non erunt. Ubique crede Christum quatenus Deus est, in cælo autem per id quod homo, secundum veri corporis modum. Ergo Cæli nomen perperam interpretaris Selneccere, omnipresentiam ex ascensione in cælos falsò colligis, & malè negas Christi corpus esse in cælo ut contentum in continente. Item, Dei filium in homine assumpto visibilem, corpo-*

reum, atque *LOCALEM* post resurrectionem non credere & profiteri, est prophanū. Item, Christus est in loco aliquo cœli, propter veri corporis modum, cui immortalitatem dedit, naturam non abstulit. Item, *Ego corpus Christi ita in calo esse credo ut erat in terra quum ascenderet in cœlum, & quemadmodum ipse Christus discipulis de resurrectione ipsius dubitantibus ait, palpate & videte, Spiritus carnem & ossa non habet.* Item, *Secundum carnem quam Verbum assumpsit, ascendit in cœlum, non est hic.* Et Fulgentius secundum substantiam humanam absens cœlo quum esset in terra, & derelinquens terram quum ascendit in cœlum. Item, *Vt LOCALEM ostenderet suam humanitatem dixit discipulis, ascendo ad patrem.* Item, *quomodo ascendit in cœlum, nisi quia verus & Localis est homo?* Item, *Idemque atque inseparabilis Christus secundum totum hominem quem accepit terram LOCALITER deferens in cœlum ascendit.* Denique quid D. Philippus suis in epistolam ad Colossenses commentariis de locali ascensione in cœlum scripserit, quo viuo vestra hæc disparitio apud Brentium occulta permansit, minimè ignoras. Sed ad vos ipsos venio. Heshusius  
ille

ille qui, ni fallor, primus ausus est hoc seculo inter eos qui Papisticam hierarchiã oppugnarunt sese episcopum vocare, totidem verbis hæc scripsit: Necesse est fateri corpus Christi in cœlo certo spatio concludi. quod verbum quum multo sit durius quam illud C A P I, tu videris cur tu in me tam acerbè reprehendas. Tu verò an non ex professo in Thesisibus Vvittebergæ excusis tuoque & trium aliorum nomine editis realem communicationē idiomatum diuinæ naturæ in humana ex professo, Thesisibus 30, 31, & 33, oppugnasti? Denique in hoc ipso scripto vide quàm tibi parum constes. Intervanissima quædam argumenta quorum refutationem fortiter dissimulas, illud quoq. profers, corpus Christi esse in Verbo Filio Dei, Verbum autem non esse locum, ergo corpus Christi non esse in loco. Demus hoc argumento concludi id quod tu vis: quando ascenderit Christus in cœlū? tum certè quum fuit conceptus: aut si postea velis illum ascendisse, nempe non nisi 40 à resurrectione die, cur ascendisse dixerimus vt gloriam cœlestem nactus ubique præsens esse posset, si iam in loco non erat, quia in Verbo erat? Ad illud

autem argumentum quod attinet, Si quia Verbum non est locus, idcirco corpus quod est in Verbo, non est in loco, quid tandem erit in loco? Nam, inquit, Apostolus, in Deo vivimus, mouemur, & sumus. At non, inquires, hypostatica ynione. Concedo, sed, quod argumenti, tui vanitatem redarguit, in hac ynione seruantur naturarum proprietates. itaque circumscripta manet, ac proinde localis humanitas, quanuis in infinita & illocali verbi hypostasi subsistens. Iam verò de sessione ad dexteram patris, numquàmne animaduertetis quàm inania effundatis? Sit sanè ad dexteram Dei sedere, suprà res omnes creatas euectum esse & omnè eas gubernandi potestatem accepisse, (quis enim nostrum hoc negat?) num inde efficitur substantiæ ipsius carnis omnipræsentia, aut realis illa idiomatum deitatis in assumptâ humanitatem effusio id est, Eutychiana proprietatum confusio? nec enim effusio illa realis aliud quàm confusio esse potest, quàm idiomata naturarum singularum rerum constituent ac discernant. Carnem igitur glorificatam exorna istis idiomatibus quibus Deitas à rebus omnibus creatis propriè discernitur,



nitur, & humanitatem in Deitatem transformaris, imo etiam humanitatem absorberis, quia duplicia idiomata diuersarum substantiarum habere nulla singularis natura potest, multo minus verò ea idiomata quæ simul stare nequeunt, veluti Quantitate & circumscriptione præditum esse, & Quantitatis ac circumscriptionis expertum esse; vno loco totum contineri, & pluribus locis totum esse, & similia. Sunt ista, dices, physica. Sunt sanè, quia naturam carnis essentialem gloria non absorpsit, neque hypostaticam unionem aboleuit, in qua singularum naturarum proprietates substantiales in suis subiectis permanent. Tua verò antiphyfica sunt ideoque sunt commentitia, adeoque Verbo Dei & perpetuo Ecclesiæ totius iudicio damnata, quod naturam humanam non perficiant & exornent sicut hyperphysica quæ minimè inficiamur, sed extinguant & aboleant. Deinde si Ascendere in Cælos idē declarat atque Omnia illa quæ dicitis consequi, quod idem postea per sessionem ad dexteram Maiestatis significari vultis, quis non videt alterum istorum in nostro symbolo redundare? Longè profectò aliter Patres qui gloriæ Christi ad

dexteram patris sedenti nihil detrahūt,  
& tamen ex eius in cælos ascensu, caput  
in cælis esse, non in terris, & membra in  
terris adhuc esse non in cælis colligunt. *Si  
queratur, inquis, ubi sit Christus in cælis,  
responde ad dexteram Patris, ergo non  
in loco.* At nos dicimus, Si queratur, ubi  
fedeat ad dexteram Patris, id est, ubi re-  
gnet omni res omnes creatas gubernādi  
potestate accepta, responde in cælis, ergo  
in loco, inquit Augustinus & tota anti-  
quitas, secundum veri corporis modum.  
Denique ut omnes norint Patres sic con-  
iunxisse sessionem ad dexteram Patris  
cum collocatione in cælis, ut ex utraque  
non præsentiam realem substantiæ car-  
nis, sed absentiam inde collegerint, audi  
Athanasium, *Eius est ire & venire, qui loco-  
rum terminis circumscribitur, & eum locum  
in quo erat deserit ut ad alium ubi non erat  
veniat.* Loquitur autem de corpore Chri-  
sti etiam glorificato. Audi Theodoretum  
*Corpus quod diuina gloria est glorificatum,  
& sessione ad dextram patris dignatum,  
corpus tamen est, & habet quam prius ha-  
buit circumscriptionem.* Audi Cyrillum,  
*Corpore est absens Christus Patri pro nobis  
apparens, & ad dextram ipsius sedens.* Audi  
Au-

Augustinū, *Christus per id quod homo est, sedetque ad dextram Patris, veniet eadem carnis forma & substantia cui immortalitatem dedit, naturam non abstulit.*

9 *Scribit Beza naturam humanam in Christo nihil diuinum à Christo recepisse.*

Imo hæc scripsit contra conscientiam suam Selneccerus, cui iampridem toties Beza inculcauit credere se carnem Christi supra res omnes creatas inenarrabiliter esse inenarrabili gloria & maiestate auctam, sed eo excepto qui subiecit ei omnia, adeo vt quantumuis sit exaltatus secundum humanitatem, sit tamen in ea seipso Deo minor, sicut disertè loquuntur Ambrosius, Augustinus, Apostoli 1. Corin. 15. 27. & Christi ipsius vestigia sequuti, dicentis, Pater maior me est. Denique Selneccere qui me toties Diabolū in hoc tuo scripto vocas, scito hoc quod agis, esse propriè *ῥαββάλλον ἢ συνοφαντεῖν*, quoniam inter *ἡσυχαστικά* & *ἀντιφυσικά* discernere vel non possis vel nolis, neque ab essentialibus quæ naturas ipsas cōstituunt, accidentia discernere, quibus augeri vel imminui naturarum dignitates possunt, & quibus si in ipsa quoque gloria præditam Christi carnem negas, aboles illam.

D. ij.

ipsam humanitatem quam videri vis exornare.

10 *Ait Beza Christum quatenus noster est frater & verus homo, non esse in calo cælorum, ubi est Deus in gloria sua, & nihil habere honoris & maiestatis diuinæ.*

Enimvero, Selneccere, non erubuit quum hæc imperitis neque aliunde quæ ex te ipso quæ nostra sit sententia cognituris diceres ac scriberes? Méne verò tulerit Geneuensis Ecclesia aut vlla alia, ac non potius absorpserit terra tam insanè ac furiosè blasphemum? Scio ego, scio ac profiteor per Dei gratiam penetrasse carnem Christi suprà omnes cælos, ibique nomen quod est suprà omne nomen adeptam, vbi nos quoque vnà cum eo in æternum regnabimus, quia poposcit & impetrauit à Patre vt ibi simus vbi est: neq. de istis sedibus garris cum sophistis & enthusiastis, contentus iis quæ Verbo Dei sunt nobis patefacta donec videamus eū sicuti est. At vos qui cælorū nomine non æternas illas sedes sed Vtopicā carnis maiestatem intelligitis, videte ne ijsitis potius qui verā ipsius gloriā in vanum somnium conuertatis. Certè ineptum est dicere Christum sedere in cælis in maiestatem di-

te diuina, si Cælorum nomine ipsa diuina maiestas intelligitur.

II *Ait Beza naturam humanam Christi tam esse extra diuinitatem quàm res cæteras.*

Mirū est, Seneccere, audere te Bezæ tribuere Nestorianam blasphemiam quam totidem penè verbis ex Brentio & Iacobo Andrea descripseris. Aiunt enim illi disertis verbis non aliter esse Deum in Christo quàm in Petro, imo in re quauis quod ad ipsam diuinam naturam attinet, sed in eo discrimen esse quòd in Petrum tantum aliquas, in Christum verò omnes suas proprietates effundat. An ego aliquid eis affingam, ex prolatiis eorum scriptis diu dicet Ecclesia. Tu verò si vel voculam in meis scriptis inuenias ex qua eiusmodi blasphemia inuehatur, ecce ceruicem securi subiicio. Hoc quidem dixi quum tuam illam planè Eutychianam blasphemiam refellerē quā disertè scripsisti *Christum in sua humana natura esse secundam personam in Diuinitate, humanam naturam seorsim & in sese consideratam esse aliquid extra Deitatem, sicut & reliquas res omnes creatas: sed eius hypostaseos respectu in qua sustentatur, sic esse à Ver-*



bo re ipsa distinctam, vt tamē extra Verbum non sit quum in eo subsistat: nō rectè tamen propterea dici esse in Deitate, si Deitatis vox pro essentia ipsa diuina absolutè accipiatur, sed tum demum quum ad Verbi personam restringitur Deitatis appellatio, quum neque à Patre neq. à Spiritu sancto sit assūpta humanitas. Vides igitur quā multa in illo tuo dicto requirantur, quod siue improbitate, siue potius ignorātia fecisti, ignoscat tibi Dominus. Quòd si distinctionis nomine separationem significari existimasti, num idcirco sum blasphemus quòd tam crassè hallucineris?

12 *Scribit Beza naturam Christi humanā non debere inuocari in Christi persona.*

Si hoc vel per somnium cogitauit Beza, sanè blasphemus est. Extant eius scripta, profer locum Selneccere, aut in manifesta calumnia teneris. De adoratione personæ Christi sic ego multis ante annis Brentio respondi, *Ex Augustino, In Christo Domino. humanitatem nō solam aut nudam, sed diuinitati suæ unitā, vnum Dei Filium Deum verum, & hominem verum, qui adorare contempserit, aeternæ mortis pœnā patietur. postea subiicio. Quomodo igitur*

*tur*

tur hominē Christum adoramus? quia unus  
 & idem ille est Deus. Quomodo Christi car-  
 nem adoramus? Quia est Dei caro. Itaque  
 non subsistit in carne hæc nostra adoratio, sed  
 ad eum penetrat cuius est caro, à quo tamē il-  
 lam non separat, quoniam hypostaticè cum eo  
 est unita. Sic enim scribit quoque Cyril-  
 lus lib. de incarnatione vnigeniti, ca. 26.  
 cuius verba in eodem illo libello protu-  
 li: *Adorauit Christus nobiscum. Vos e-  
 nim ( inquit Ioann. 4, 22. ) adoratis quod  
 nescitis, nos adoramus quod scimus. At est e-  
 tiam adorandus: flectitur enim ipsi omne ge-  
 nu. Hoc quoque secundum aliud & aliud. A-  
 dorat enim quia naturam assumpsit quæ de-  
 beat adorare, adoratur autem porro idem, vt  
 maior adorante natura, per id quo intelligi-  
 tur Deus. Adoratione verò non est diui-  
 dendus in hominem seorsim, & in Deum:  
 nec verò, quasi Deus sibi coniunctum equa-  
 litate dignatus sit, diuisis substantiis ( non  
 est igitur hypostatica vnio posita in pro-  
 prietatum effusione & ἑξοίᾱς exæqua-  
 tione, vt Brentiani docent, Nestoriano si-  
 mul & Eutychno dogmate renoua-  
 tis ) cum ipso adorari dicimus hominem  
 ( id enim extremæ impietatis plenissimum  
 est ) sed vnum adorandum Dei Verbum,*

*quod factum est homo & incarnatum est,*  
 Haftenus Cyrillus, ex quibus non modò  
 falsum esse liquet quòd nobis impingit  
 Selneccerus, sed illud quoq. constare po-  
 test, ex Brëtii & Iacobi Andreae dogma-  
 te consequi Christum adorandum non  
 esse. Tradunt enim apertè, *his verbis,*  
*Verbum caro factum est, nihil aliud significa-*  
*ri quàm quod Filius Dei etsi sua essentia im-*  
*pleat Petrum sicut & hominem Christum, nò*  
*tamè communicat Petro omnes suas proprie-*  
*tates, sed tantùm nònullas.* Hoc autè si ve-  
 rum est (quod absit) non esset certè Chri-  
 stus natura Deus, sed communicatione  
 gratiæ summè diuinus, Petrus autè tan-  
 tùm aliquatenus diuinus, neuter verò a-  
 dorandus. En quò nos vbiquitaria hypo-  
 staticæ vnionis declaratio abducit, &  
 quo iure quos Calvinistas appellant hæ-  
 retici & blasphemi appellantur.

Superest quiddā quod prætereundū  
 non putauī. Edidī ante biennium Theo-  
 dori cuiusdam presbyteri Rhētēsis Græ-  
 colatinum libellum in quo *κατ' ἐπιτομὴν*  
 annotātūr veteres aduersus Christi per-  
 sonam hæreses. In eo vbi describitur Sa-  
 mosateni dogma, dicitur ille dixisse sic  
 habitasse Deum Verbū in Domino si-  
 cut

cūt & in singulis Prophetis, ac proinde  
 duas in Christo fuisse naturas *διηρημένως*  
*ἔχοντας ἢ ἀκοινωνήτας πρὸς ἑαυτὰς παντά-*  
*πασι;* idest vt ego Latinè verti, separatas  
 & citra vllam prorsus inter se cōmunio-  
 nem. Hanc igitur voculā arripiens Iaco-  
 bus Andreas quod in se prorsus dictū est  
 audet aduersum nos detorquere, quòd  
 videlicet idiomata essentialia negemus  
 in hypostaticā vnione reip̄sa inter natu-  
 ras cōmunicari, quòd Eutýches tum de  
 naturis ipsiis tum de proprietatibus ea-  
 rum affirmabat. Atqui Samosatēni do-  
 gma nihil ad proprietatum effusionem  
 pertinebat, vt qui poti⁹ fateretur omnia  
 Deitatis dona in Christum hominem  
 quam abundātiſsimè fuisse effusa quum  
 eum idcirco Deum nuncupatum fuisse  
 existimaret, gratiā videlicet & *παρεσία*  
 siue (vt nūc loquūtur Brētiani) *ἐνεργεία*  
 non *εὐσία* siue *ὑποστάσις*, quandoquidem  
 Christū esse dūtaxat hominē credebat.  
 Itaque *Ψιλὸς ἀνθρώπος* Samosatēni non  
 significat hominem naturalibus tantum  
 donis præditum ad quæ nulla aliā di-  
 uinitus collata accessissent (quīs enim  
 hoc vnquam nisi palàm impius docuit?)  
 sed hominem declarat humana dunta-

xat natura præditum : ac proinde ἀνομι-  
 νωμήτης idem ibi declarat atque ἀνόμω-  
 σεως, quod ex opposito, διαρρέσεως nomi-  
 ne apparet, neque ad proprietates, qua-  
 rum nulla sit ibi mentio, sed ad ipsas ὁ-  
 σίας siue φύσεις refertur, quā impiā hære-  
 sim idcirco idem Rhētenſis dicit à Ne-  
 storio postea renouatā. Denique Vnio-  
 nis gratiam negabat Samosatenus vt &  
 Nestorius, gratiam autem habitualement,  
 vt in scholis loquūtur, siue Spiritum abs-  
 que mensura vt loquitur Ioannes, neuter  
 est inficiatus, & sic vsus est nomine νε-  
 νωμίας Rhētenſis, vt Hilarius aliquoties  
 Communionis & societatis vocibus, Ire-  
 naeus autem etiam mixtionis.

Cæterum vt tandem aliquādo ista mo-  
 lestissima scriptiuncula defungar, prouo-  
 co à meis accusatoribus simul & iudicib.  
 ad vestras Celsitudines Illustrissimi, potē-  
 tissimi, & clementissimi Electores ac prin-  
 cipes, ad vestras dignitates Generosissimi  
 & spectatissimi Comites, Barones & ma-  
 gnifici liberarū Imperij ciuitatū magistra-  
 tus, Reuerēdi viri Christianarū in Germa-  
 nia ecclesiarum fidi & moderati pastores,  
 & scholarum doctores, ad vos omnes de-  
 nique sanctum Dei Euangelium in con-  
 fessi



feſſione Auguſtana amplexos : prouoco, inquam, ad vos, de iniuria tum mihi priuatim tum etiã tot populorũ ac regnorũ Eccleſiis idem Euangelium in confeſſionib. Gallica, Anglicana, Belgica & Heluetica cõmuni conſenſu amplexis, ab his duob. illata conquerens, Deũmq. teſtẽ ac iudicem appellans: me ſiquid in his cõtrouerſis pecco (quod ſanẽ non arbitror) nũ tamen vt hereticum, non vt blaſphemũ & impium, ſed vt hominẽ errare, nec vllã legitimi conuentus iuſtã cognitionẽ deſugere. Deinde & hoc pcto & per eũ zelũ obteſtor quo verẽ pios oẽs homines affectos eſſe oportet erga veritatem ac religionis Chriſtianæ puritatem, vt iuſta & verbo Dei ac perpetuo Eccleſiæ purioris exemplo cõſentanea ratio ineatur, nũ qua alij alios inauditos voce aut ſcriptis condẽnent, ſed qua diiudicatis ex Dei verbo & præẽte trãquilla & rectẽ inſtituta cognitione cõtrouerſis omnibus, idẽ omnes in Chriſto ſentiamus, cõmunẽ Euãgelij hoſtem ſpiritu Dei noſtri oppugnaturi, ac tandem ſuperaturi. Ad hoc autem iudicium vt paratiores omnes accedant, quæ mea ſit priuatim & quæ Eccleſiarum doctrina, æquum eſt vt ex ſcriptis demum

nostris aut idoneis aliis testibus accusatores nostri doceant. Proferant igitur ipsi locos non interpolatos aut decurtatos sed bona fide descriptos, quæadmodum hæc ex illorum scriptis bona fide excerpta, quæ mihi quidem aperte tum Nestoriana tum Eutychiana videntur, Ecclesiis discutienda & diiudicanda propono.

Andreas Musculus, hæc nuper in articulis illis scripsit de Cœna Domini, quos Ecclesiis & Scholis Marchionatus obtrusit.

1 *Ascendere Filiū hominis nihil aliud est & significat quàm disparere. Et Filij hominis in Cælum ascensio nihil aliud est quàm inuisibilis disparentia.*

2 *Filius hominis ascendit in Cælum, non loci mutatione secundum personam, sed modo præsentie visibilis in inuisibilem mutato, euanescencia seu disparentia quadam.*

3 *Cælum in quod ascendit Filius Dei non significat cælum elementare stellatū, sed gloriam Dei nullis locorum spatiis circumscriptā.*

Et in Thesisibus de incarnatione, 2, 4, 5, 6, 8, 9.

4 *In corpore Christi à momento incarnationis non est quærendus ordo naturarum, alioqui ad eius conceptionem non opus fuisset alio*

*alio modo quàm naturali. Itaque propter hanc admirabilem conceptionem & natiuitatē, & duarum naturarum unionem in vnā personam, non potest dari locus in quo sit Filius Dei secundum diuinam naturam, in quo nō sit Filius hominis secundum humanam naturam & ante & post ascensionem & sessionem ad dextram Patris : (Ergo iste Musculus non facit ascensionem neq. sessionem ad dextrā Patris, causam Ubiquitatis, qua ratione à Brëtio & eius adstipulatoribus dissentit.) Et quum sit vnus & idem Christus, sicut secundum assumentem, sic & secundum assumptam naturam nullis localitatis physicæ necessitatibus est subiectus nec locorum terminis circumscriptus. Denique Christi humanitas ab ipsa incarnatione est euecta in eā gloriam ac maiestatem vt in ea non circumscribatur loco, verumetiam terram & calum impleat; celesti & humanæ rationi inscrutabili modo. Imò si circumscripta non est, vt tu vis, inenarrabilis nō est modus quo adest, sed inenarrabilis esset modus quo visibiliter & circumscriptiue adestet. Sic nimirum sibiipsi cōtradicat erroris spiritus necesse est, Totum à suis integrantibus partibus, & concrētum ab abstracto non distinguens : quoniam nihil videant*

oportet quos contentionis spiritus ex-  
cæcauit.

*Audiamus iam Brentium ipsum, omnium  
istorum dogmatum, mortuo Philippo,  
auctorem precipuum.*

Fol. 40. Reco-  
gnitionis &  
deinceps.

Hæc sententia, VERBUM CARO FA-  
CTUM EST, nihil aliud significat quàm  
quòd Filius Dei filium hominis ita assu-  
mplerit ut effundat in eum omnem suã ma-  
iestatem: & sic eum impleat, ut communi-  
cet cum eo omnem suam potentiam, sa-  
pientiam, scientiam, & præsentiam.

Quod est inter Christum & Petrum di-  
scrimen? Vterq. enim est homo, & in vtro-  
que est Deus. Dicis, Illud est discrimen q̃  
Christus non tantum sit homo, sed etiam  
Deus. Petrus autem tantum sit homo, nõ  
etiam Deus. Atqui ut in Christo inhabi-  
tat diuinitas eaque tota, secundum essen-  
tiam, potentiam, & præsentiam: sic & to-  
ta inhabitat in Petro. Vbicunque enim  
Deus est, totus est. Non potest igitur hac  
ratione inter Christum & Petrum disci-  
men esse ut dicamus Christum hominem  
esse Deum, Petrum autem non esse Deum.  
Christus edidit multa miracula: edidit e-  
tiam Petrus, & quidẽ potentia diuina nõ  
longè absente sed omnino præsentem. Chri-  
stus

stus vidit futura, vidit & Petrus, & vaticinatus est. Christus, mortuus & sepultus, resurrexit & ascendit in cælum. Sed & Petrus resurget & ascendet in cælũ, & quidem, quod penè admirabilius est in Petro quàm in Christo, corpore suo iam in puluerem redacto. Dicis, Christus resurrexit à morte sua virtute, Petrus aliena: Imò sicut Christus excitatus est diuina virtute, ita resurget Petrus diuina virtute, eaq. nō minus ipsi quā Christo præsente, quod vbiq. sit diuinitas, ibi sit tota. Christus vidit absentia, vidit & Petrus. Act. 5. sicut & Elisæus. Itaq. ex isto Euangelistę dicto, Verbum caro factum est, quod de Christo dicitur, non de Petro, discrimen Christi & Petri eo statuendum est, quod Filius Dei etsi sua essentia implet Petrũ & hominem Christum, non tamen communicat Petro omnes suas proprietates, sed tantũ nonnullas.

Viuiificat enim Petrum, conseruat Petrum in vita, Petro dat potestatem eiciendi dæmones, imò etiam excitandi mortuos. Intereà verò non facit eum omnipotentem, omniscientem, omnipræsensem.

Exæquamus humanitatem Christi di- Pag. 63.



uinitati, non ουσία sed ἑξουσία, non essentia sed potentia, non natura sed gloria, non substantia sed maiestate.

Pag. 237. Discrimen inter Christum & alios homines non constat propriè in habitatione Filij Dei in filio hominis, sed communicatione proprietatum quibus filius hominis ab inhabitante Filio Dei ornatur, ut humana natura sit receptaculum augustissimum omnium cælestium & diuinorum beneficiorum.

Pag. 143. Quod dicit Theodoretus & alij, corpus humanum habere in altero seculo eandem circumscriptionem quam habuit in hoc seculo, nullo rectè intellecto sacrae scripturae testimonio dicit, & est puerilis cogitatio de rebus cælestibus.

Pag. 144. Quum Christus ait, Vado paraturus vobis locum, non loquitur de loco, sed metaphoricè de felicitate & beatitudine ut sit hic sensus, Vado ad passionem & ad mortem qua paraturus sum vobis Patrem propitium, ut vos inecum perpetuò felices reddat.

Ibidem. Ait Christus, Veniã ut vbi sum ego & vos sitis. Et respondet Philippo, An nescis quod in Patre sum, & Pater in me? Est ergo Christus in Patre. Et quū credentes ducat

ducat eò vbi ipse est, sequitur quòd faciat  
vt & ipsi sint in Patre, id est, habeant pro-  
pitiū Patrem, & fruātur vnà cum ipso  
paterna hæreditate.

Assumi in Deum non aliud est quàm Pag. 166.  
in cælesti & diuina gloria collocari.

Ascensio Christi in cælum fuit exter- Pag. 167.  
num spectaculum vsque ad nubes, nec  
pueriliter cogitandum est quòd progres-  
sus sit physico & corporali modo ad fi-  
ctitium illud cælum quod Empyreum vo-  
cant, vbi commoretur ea forma qua visi-  
biliter ascendit: sed sentiendum est quòd  
deposita forma, non quidem essentiali  
sed accidentali quam in externo ascen-  
sus spectaculo ad tempus assumpsit per  
dispensationem, receperit formam Dei  
quæ aliquandiu tecta fuerat forma serui,  
& perrexerit omni sua maiestate quam  
habuit, frui.

Christus dicitur corpore seu humani- Pag. 168.  
tate sua penetrasse cælum & ascendisse su-  
per omnes cælos, nō quòd deseruerit hoc  
cælum, aut terram, & quæ in eis sunt,  
sed quòd non in hoc cælo ita hæreat, vt  
non etiam omnia impleat.

Etsi Christus ab externo spectaculo as- Pag. 169.  
census sui in cælum dicitur confedis-  
se ad

E. j.

dextram Dei Patris sui omnipotentis, tamen veritas huius rei non tunc primum facta est quum Christus ascendit visibiliter in cælum, & misit discipulis Spiritum sanctum, sed quum Verbum caro factum est, & assumpsit humanitatem in Deum.

Pag. 249.

Si Christi humanitas in dextra maiestatis circumscriberetur locis, non esset prestantior Angelis factis: quippe quod circumscribi certo loco non sit summæ maiestatis, sed aut corporalis infirmitatis aut spontaneæ, ad gratificandû aliorum infirmitati, dispensationis.

Pag. 255.

Si Christus humanitate sua sedet ad dexteram maiestatis & omnipotentiæ Dei Patris sui, manifestum est quod ubicunque fuerit maiestas & omnipotentiæ Dei, ita sit quoque Christus humanitate sua.

Pag. 273.

Christus non erat in sepulchro, mortuus videlicet, qualem mulierculæ quærebant, neque iuxta externum aspectû. Erat autem non in sepulchro tantum, verum etiam in cælo & in terra, iuxta diuinitatis suæ maiestatem. Voco autem nunc diuinitatem Christi, non eam quam Filius Dei in se ab æterno habuit, sed quam tempore incarnationis Filio hominis communicaui, siue in assumptam humanitatem effudit.

*Iam audiamus Iacobum Andream aperte  
personam diuidentem & proprietates es-  
senciales confundentem.*

Humanitas à diuinitate perficitur, quæ  
realiter suas proprietates humanitati cō-  
municat, vt sit non modò viua, sed etiam  
viuificatrix: non tātum potens sed etiam  
omnipotens: humana, inquam, natura,  
non sola diuina.

In disputatio-  
ne de Maiesta-  
te hominis  
Christi.

Non est imaginanda aut fingenda alia  
Dei in Christo quàm in creaturis reliquis  
omnibus, quoad οὐσίαν, diuinitatis præ-  
sentia: quæ vt in creaturis κρυπταῖς discer-  
nitur, quòd alia in aliis agat & operetur:  
ita in Christum tota effunditur, vt iam  
extra ipsum nihil, sed in homine (*hoc con-  
cedit Ecclesia*) & per hominem Christum  
(*hoc negat Ecclesia de abstracto humanita-  
tis*) omnia in omnibus operetur.

Thefi. 20.

Atque hæc est communicatio pleni-  
tudinis omnis deitatis, de qua loquitur  
Apostolus Coloss. i.

Thefi. 31.

Quod diuinæ per essentiam est, id hu-  
manæ suo modo per accidens commu-  
nicatur.

Thefi. 32.

Humanitatem Christi diuinitati eius  
non οὐσία, sed ἕξις, non essentia, sed po-  
tentia, non natura, sed gloria, non substan-

Thefi. 36.



tia, sed maiestate exæquamus.

Theſ. 34.

Quum diuinitas in vnitatem personæ  
assumpserit hominem, cuius vnionis ra-  
tio ac definitio est plenitudinis Dei, com-  
municatio, sequitur ipsam quoq; huma-  
nitatem Christi vbique præsentem esse.

Apologia ad  
theses Ingol-  
stadianas.

pag. 17.

Pag. 19.

Ὁ λόγος per humanitatem Christi omnia  
administrat.

Apostolus per formam Dei secundum  
quam Christus dicitur æqualis Deo, in-  
tellexit dona in ipsam carnem assumptā  
realiter effusa.

Pag. 4.

Res omnes à Deo substantialiter su-  
stentantur.

Pag. 25.

Homo Christus dicitur Deus, nō quia  
Deus sit in ipso (qui in omnibus creaturis  
est, non modò natura, sed etiam secundū  
subsistentias) sed quia in assumptione car-  
nis dedit huic homini omnem potesta-  
tem in cælo & in terra, communicauit ei  
omnia dona, &c.

Ibidem.

Diuinitas hominis Christi non est illa  
θεωότης, & æterna cum Patre & sancto  
Spiritu essentia communis, sed commu-  
nicata à secunda hypostasi. Et vt vno ver-  
bo dicam, quum hominem esse Deum di-  
cimus, nihil aliud intelligimus quā quòd  
homo ad dextram Dei sedeat. Nam car-  
nem



nem assumere in Deum, nihil aliud est quàm omnem suam plenitudinem ei cōmunicare:

Potētiam Dei ideo infinitam dicimus, Pag. 33.  
quia à nobis finiri non potest. Deus autē probè finem & modum nouit suæ & potentia & sapientia, quam omnem participasse humanitatem Christi manifestissimè scriptura testatur.

Inter inhabitationem Dei in sanctis & Pag. 37.  
in Christo hoc vnū est discrimen, quòd sanctis distribuat sua dona dimensa, Christo autem immensa.

Christus homo hoc habet commune Pag. 38.  
cum omnibus sanctis, quòd cum eo Deus personaliter fuit vnitus.

Nestoriani sunt qui vnionem personalem definiunt solo naturarum conuentu, qui fit in substantia Verbi. Pag. 48.

Augustinus hoc dicto, Non esse consequens vt quod in Deo est ita sit vbiq. vt Deus, non negat humanitatem Christi esse vbiq., sed negat eo modo esse vbiq., quo diuinitatem. Pag. 56.

Certum est ex Christi verborum sententia, eius humanitatem fuisse in cælo, & sublimiorem quàm in cælo, quum esset in terra. Pag. 60.

Pag. 63.

Quum corpus Christi gloriosum non amplius sit physicum, sed spirituale; quis id dicet moueri de loco in locum?

Audiamus iam Selneccerum illis succincentem.

Pag. tertia ipsius in me confirmationis,

134.

*Adoratur vnica κατὰ ψαλμὸν Christus non tantum ut Deus verum etiā ut homo. Ergo diuina potentia & maiestate prædita est caro Christi.*

Ego vnica adoratione adorandā Christi personā fateor cōtra Nestoriū, sed nego humanitatē adorari in se se cōtra Eutyché. Sed age decidat hanc cōtrouerſiā Cyrilli autoritas lib. in Ioa. 2. ca. 92. vbi hæc verba exponit, Nos adoramus quod scimus.

*Adorantibus se connumerauerat qui cū Patre & S. Spiritu tam ab Angelis quā à nobis adoratur. Quū enim serui formā assumpsit, seruo cōueniens ministeriū suscepit. Et mox, Conuenit maximè hominib. tamquā debitā Deo adorationem offerre. Adorat igitur Christus ut homo: adoratur autem semper cum Patre & Spiritu, quoniā Deus verus est secundū diuinā naturam. Idē lib. Thesauri, 2, cap. 1. Christus modò ut homo, modò ut Deus meritò loquitur. Vos, inquit, adoratis quod nescitis, nos adoramus quod scimus, ut homo loquitur*

*Non*

Non enim ex adorantibus est ὁ λόγος, sed cum Patre & Spiritu S. adoratur: Adorent ipsum, inquit ille, omnes Angeli Dei: Nemo autē ignorat NULLI PRORSVS NATVRÆ præterquam Dei adorationē à scriptura tribui. Scriptum enim est, Dominum Deum tuum adorabis & ei soli seruies. Itaq. Filius, quauis verè adorabilis sit (Deus enim est natura) tamen vt homo adoratur: Hactenus Cyrillus.

Christus est secundā persona in diuinitate, Pag. 51.  
etiam in natura sua humana.

Potest homo Christus secundum naturam Pag. 137.  
humanam in sese esse vbique.

Competit humanitati omnipotentem esse.

Christus, inquit, Ego sum vobiscum vsque pag. 25.  
pag. 124.  
ad consummationem sæculi. Ergo etiam secundum humanam naturam, est nobis præsens σωματικὴ παρουσία, & in se ipsa, nec tantum quia ratione Deus est.

Christus sedet quā homo ad dexteram Pag. 46. & 10  
tris. Ergo nullis physicis legibus est alligata humana Christi natura, sed est immense potētiae particeps in sese & immediatè, eodē planè modo quo maiestātē Dei dicimus esse in calo.

Si decipimur ita credētes de Cæna Domini, pag. 167  
nihil inde incommodi nobis accidet, sed laudem potius & simplicitatis gloriā in illo die reportabimus.

Hæc ille, at nos præter cætera millies prolata audiamus hoc quoque Cyrilli de portentosa illa reali proprietatû essentialium inter naturas communicatione: Cyrilli inquam illius qui Nestorium & Eutychem vt Athanasius Arrium prostrauit, perspicuum & planum ac verè aureum testimonium ex lib. 2. in Ioan. cap. 141.

*Nihil firmû & stabile, nihil perpetuû Deo attribuetur, si creatura quoq. Substantialiter & per naturã ea recipere poterit quæ in Deo Substantialiter sunt. Et quis non perhorrescat tantam veritatis dogmatum perturbationem audiens! Omnia enim sursum ac deorsum eueruntur, Deitatis natura ad creaturã deducitur (hoc quidem isti vitare voluerunt, sed incommodè quum exinanitio quoq. formæ Dei legatur, vt formæ serui exaltatio) & creaturarû substantia per infamiam ad supremæ naturæ locum scandere creditur. Deniq. quum isti nobis pro irrefragabili ratione obicere soleant D. Lutheri nomē, audiamus quid ille ipse extra illum disputationis feruorem de istis dogmatibus senserit.*

Intempestiuã quidam enarrationem afferunt, dicentes, Filius nescit, id est nō vult



vult scire. Christus verus homo fuit, quare vt alius purus & sanct<sup>9</sup> homo, nō quolibet tempore cogitauit, dixit, voluit, intellexit omnia: sicut imperiti quidā omnipotentem in eo hominem faciūt, permiscentes duas naturas atque opera earum parum prudenter.

*Item*, Et si hominem occupet diabolus, tamen homo manet homo, diabolus verò diabolus: sed Deus factus est homo, & tamen Deus manet. Atque hoc modo profundius se in carnē nostram immisit, quā diabolus facere possit, qui hominis corpus subire, potest, atque eū affligere: sed non potest homo fieri, vt diabolus & homo sit vna persona. Inter naturas istas semper personale discriminē manet, nō solūm secundū essentiā, verū etiā secundum personā. Verūm in Christo hæc vnum sunt. Nam Filius Dei est factus nostra caro & sanguis.

*Item*, Scriptura pulchrè personā cū natura iūgit, ac rursū naturas nequaquā confundit, vt pauci sint ( quod humanis cōmentis debemus quibus ætatē nostrā attriuimus, & ingeniū corrupimus ) qui id rectè percipiāt, vt ipse profectò per se-



pe in his & similibus locis errauerim, &  
 naturę tribuerim quod cōpetit personę,  
 & cōtrā, vt in illo loco Pauli Philip. 2. ho-  
 die possit alicui vñuenire, vbi dicit, Ta-  
 met si in forma Dei esset, &c. Quodd in  
 forma Dei fuisse prädicatur, certè diui-  
 nitatem indicat, Item quodd se exinan-  
 iisse dicitur: porrò inanitio & ser-  
 ui formā quidd aliud quām  
 humanitatem te-  
 stantur?

AT TV DOMINE VSQVE QVO?















